

შპს მარნეულის საზოგადოებრივი კოლეჯი გზამკვლევი პროფესიული სტუდენტებისთვის





- პროფესიული სტუდენტი არის პირი, რომელიც სწავლობს პროფესიულ საგანმანათლებლო პროგრამაზე ან მოკლე ციკლის საგანმანათლებლო პროგრამაზე.




პროფესიულ სტუდენტს უფლება აქვს მიიღოს:

- ხარისხიანი განათლება;
- მოსთხოვოს კოლეჯის ადმინისტრაციას კანონმდებლობით, კოლეჯის შიდა მარეგულირებელი აქტებით, პროფესიულ სტუდენტთან დადებული სასწავლო ხელშეკრულებითა და პროფესიული საგანმანათლებლო პროგრამით განსაზღვრული ვალდებულებების შესრულება და მიიღოს ამომწურავი ინფორმაცია კოლეჯის ადმინისტრაციისგან მისთვის საჭირო ან საინტერესო საკითხების შესახებ.
- ისარგებლოს კოლეჯის მატერიალურ-ტექნიკური ბაზით, ბიბლიოთეკით, საინფორმაციო და სხვა სასწავლო რესურსებით და საკუთარი ინტერესების შესაბამისად თავისუფლად დააფუძნოს პროფესიული და სხვა სტუდენტური ორგანიზაციები ან ასეთის არსებობის შემთხვევაში გაერთიანდეს მათში;
- დაცული იყოს რასობრივი, ეროვნული, რელიგიური და სხვა ნიშნით დისკრიმინაციისაგან ან/და შეურაცხყოფისგან; წერილობით გაასაჩივროს პროფესიული განათლების მასწავლებლის, კოლეჯის ადმინისტრაციული პერსონალის ან სხვა პროფესიული სტუდენტის არამართლზომიერი ქმედება მის მიმართ; პროფესიული სტუდენტის ზემოაღნიშნული საჩივარი წარედგინება კოლეჯის დირექტორს; სასამართლოში გაასაჩივროს კოლეჯის მიერ მის მიმართ მიღებული გადაწყვეტილება;
- მონაწილეობა მიიღოს მასწავლებლის მიერ ჩატარებული ლექცია-სემინარის ხარისხის და სასწავლო პროგრამის, მოდულის შეფასებაში და საჭიროების შემთხვევაში ინდივიდუალური სასწავლო გეგმის შემუშავებაში;
- თავისუფლად გამოხატოს საკუთარი აზრი;



პროფესიული სტუდენტი ვალდებულია:

- შეასრულოს კოლეჯთან დადებული სასწავლო ხელშეკრულების პირობები და დაიცვას ეთიკის კოდექსით, შინაგანაწესით, წინამდებარე წესით, კოლეჯის სხვა შიდა სამართლებრივი რეგულაციებითა და საქართველოს მოქმედი კანონმდებლობით გათვალისწინებული მოთხოვნები.
- შეასრულოს პროფესიული საგანმანათლებლო პროგრამით დადგენილი მოთხოვნები, პატივი სცეს კოლეჯში დასაქმებულ პირთა და სხვა პროფესიულ სტუდენტთა უფლებებს და კანონით დაცულ ინტერესებს;
- გაუფრთხილდეს და არ დააზიანოს კოლეჯის ინფრასტრუქტურა, მატერიალურ-ტექნიკურ რესურსი
- დაიცვას საავტორო უფლებები და არ დაუმვას პლაგიატი, მონაწილეობა მიიღოს შუალედურ შეფასებაში და ხელი არ შეუშალოს სასწავლო პროცესის მიმდინარეობას.
- არ მოახდინოს ალკოჰოლური სასმელის, თამბაქოსა და კანონმდებლობით აკრძალული სხვა ნივთიერებების რეალიზაცია, რეკლამირება/პროპაგანდა ან/და მოხმარება კოლეჯის შენობა-ნაგებობასა და მის საკუთრებაში არსებულ ტერიტორიაზე. თამბაქოს მოხმარება დასაშვებია შინაგანაწესის შესაბამისად კოლეჯის დირექტორის მიერ განსაზღვრულ სპეციალურ ადგილას;
- არ გამოცხადდეს კოლეჯში არაფხიზელ მდგომარეობაში და არ ატაროს ან არ გამოიყენოს ცეცხლსასროლი იარაღი, ფეთქებადი ნივთიერება ან ცივი იარაღი კოლეჯის ტერიტორიაზე; არ ითამაშოს აზარტული თამაშები კოლეჯის ტერიტორიაზე;
- არ გამოიყენოს მობილური ტელეფონი სასწავლო პროცესის მიმდინარეობისას.
- მისი მხრიდან ადგილი არ ჰქონდეს ძალადობის, შეურაცხყოფისა და ცილისწამების ფაქტს პროფესიული სტუდენტების და კოლეჯის პერსონალის მიმართ;



სპეციალური საგანმანათლებლო საჭიროების (სსმ) და შეზღუდული შესაძლებლობების მქონე (შშმ) პირების სასწავლო პროცესში ჩართვა

1. კოლეჯი უზრუნველყოფს ინკლუზიური პროფესიული განათლების ხელმისაწვდომობას ყველა დაინტერესებული პირისთვის.
2. ინკლუზიური პროფესიული განათლება არის თანაბრად ხელმისაწვდომი საგანმანათლებლო პროცესი, რომლის ფარგლებშიც ყველა პროფესიული სტუდენტისათვის უზრუნველყოფილია განათლების ინდივიდუალური საგანმანათლებლო საჭიროებისა და შესაძლებლობის გათვალისწინებით მიღება.
3. კოლეჯი სპეციალური საგანმანათლებლო საჭიროების (სსმ) და შეზღუდული შესაძლებლობების მქონე (შშმ) პირებისთვის უზრუნველყოფს:
 - სასწავლო ფართის სრულად ადაპტირებას;
 - სსსმ/შშმ პროფესიული სტუდენტებისათვის ინდივიდუალის სასწავლო გეგმის შედგენას, რომელიც ეფუძნება პროფესიულ საგანმანათლებლო პროგრამას/მოდულს და წარმოადგენს მის მოდიფიკაციას და/ან აკომოდაციას (სწავლებისა და შეფასების მიდგომებში ცვლილებას მისაღწევი სწავლის შედეგების ცვლილების გარეშე) და შესაბამისად, აზუსტებს სპეციალური საგანმანათლებლო საჭიროების მქონე პროფესიული სტუდენტისთვის საჭირო დამატებით საგანმანათლებლო მომსახურებას.
 - საჭიროების შემთხვევაში სსმ/შშმ პროფესიულ სტუდენტთა ინკლუზიური პროფესიული განათლების სპეციალისტებით, სპეციალური საგანმანათლებლო საჭიროების მქონე პროფესიული სტუდენტის ასისტენტებით, ჟესტური ენის თარჯიმნებითა და სპეციალური ასისტენტებით უზრუნველყოფას.
 - სწავლების/შეფასების მეთოდებისა და აქტივობების რელევანტურობის განსაზღვრას გამოვლენილი საჭიროებებიდან გამომდინარე;
 - მატერიალური და სასწავლო რესურსის განსაზღვრას;
 - სასწავლო განრიგისა და კვირეული დატვირთვის განსაზღვრას;





პროფესიული სტუდენტის სტატუსის უნარჩუნება

- პროფესიული საგანმანათლებლო პროგრამის ყველა სწავლის შედეგის დადასტურების შემდგომ, პირს უნარჩუნდება პროფესიული სტუდენტის სტატუსი, პირველ საკვალიფიკაციო გამოცდაზე გასვლამდე და კვალიფიკაციის მინიჭებამდე;
- პირველ საკვალიფიკაციო გამოცდაზე გაუსვლელობის ან საკვალიფიკაციო გამოცდის ვერ ჩაბარების შემთხვევაში, პირს უწყდება პროფესიული სტუდენტის სტატუსი და უნარჩუნდება უფლება გავიდეს საკვალიფიკაციო გამოცდაზე მომდევნო 2 წლის განმავლობაში, შესაბამისი პროფესიული საგანმანათლებლო პროგრამის დამამთავრებელი კურსის პროფესიულ სტუდენტებთან ერთად



პროფესიული სტუდენტის სტატუსის შეჩერება

- პროფესიული სტუდენტის სტატუსის შეჩერება ნიშნავს კოლეჯსა და სტუდენტს შორის უფლება- მოვალეობების შესრულებისგან დროებით განთავისუფლებას
- პროფესიული სტუდენტის სტატუსის შეჩერების საფუძველია:
 - სტუდენტის/კანონიერი წარმომადგენლის განცხადება;
 - სასამართლოს მიერ გამოტანილი გამამტყუნებელი განაჩენის კანონიერ ძალაში შესვლა, როდესაც განაჩენის აღსრულება უნდა მოხდეს ისეთი ფორმით, რაც შეუთავსებელია სწავლასთან;
 - ავადმყოფობა, ორსულობა და ახალშობილის მოვლა;
 - სავალდებულო სამხედრო სამსახურში გაწვევა;
 - კოლეჯის შინაგანაწესით განსაზღვრული შემთხვევები და სხვა საფუძველები.

პროფესიული სტუდენტის სტატუსის აღდგენა



1. სტატუს შეჩერებული პირი/კანონიერი წარმომადგენელი სტუდენტის სტატუსის აღდგენის მიზნით, განცხადებით მიმართავს კოლეჯის დირექტორს.
2. სტუდენტისათვის სტატუსის აღდგენის თაობაზე გამოიცემა კოლეჯის დირექტორის ბრძანება და შესაბამისი მონაცემები აისახება პროფესიული განათლების მართვის საინფორმაციო სისტემაში ბრძანების ძალაში შესვლიდან 5 სამუშაო დღის ვადაში.
3. პროფესიული სტუდენტის სტატუსის აღდგენა შესაძლებელია სტატუსის შეჩერების საფუძვლის აღმოფხვრის შემთხვევაში იმავე პროფესიული საგანმანათლებლო პროგრამის ფარგლებში.

პროფესიული სტუდენტის სტატუსის შეწყვეტა

1. პროფესიული სტუდენტის სტატუსის შეწყვეტად განიხილება კოლეჯისა და პროფესიული სტუდენტის უფლება-მოვალეობების შესრულებისგან განთავისუფლება პროფესიული სტუდენტის სტატუსის აღდგენის უფლების გარეშე.
2. პროფესიული სტუდენტის სტატუსის შეწყვეტის საფუძველია:
 - პირადი განცხადება ან პროფესიული საგანმანათლებლო პროგრამის დასრულება მოცემულ საფეხურზე;
 - გარდაცვალება;
 - სწავლის პერიოდში 5 წელზე მეტი ხნის განმავლობაში სტუდენტის სტატუსის შეჩერება;
 - კანონიერ ძალაში შესული განაჩენი პროფესიული სტუდენტის მძიმე ან განსაკუთრებით მძიმე დანაშაული ჩადენისათვის სისხლის სამართლის პასუხისგებაში მიცემის შესახებ, რომელიც ითვალისწინებს 5 წელზე მეტი ვადით თავისუფლების აღკვეთას;
 - პროფესიული საგანმანათლებლო პროგრამით განსაზღვრული მიზნის მიუღწევლობა;
 - პროფესიული საგანმანათლებლო პროგრამით გათვალისწინებული საკონტაქტო საათების 50%-ზე მეტი საათის გაცდენა არასაპატიო მიზეზით.
 - პროფესიული საგანმანათლებლო პროგრამით გათვალისწინებული მოდულის „ქართული ენა A2“ სწავლის შედეგის ვერ დადასტურება.
 - პროფესიული საგანმანათლებლო პროგრამით გათვალისწინებული მოდულის „ქართული ენა B1“ სწავლის შედეგის ვერ დადასტურება.



მატერიალური და ელექტრონული რესურსები

- ✓ პროფესიულ სტუდენტებს/მსმენელებს კოლეჯის მთელ ტერიტორიაზე შეუძლიათ ულიმიტოთ ისარგებლონ უკაბელო ინტერნეტით/WIFI
- ✓ კოლეჯში პროფესიული სტუდენტებისათვის/მსმენელებისათვის ხელმისაწვდომია სხვადასხვა საგანმანათლებლო მატერიალური და ელექტრონული რესურსები როგორცაა: კომპიუტერები, პროექტორები, პრინტერები, ტელევიზორები, წიგნები და პროფესიული საგანმანათლებლო პროგრამით გათვალისწინებული სხვადასხვა რესურსები.



დამატებით ინფორმაციის შეგიძლიათ გაეცნოთ კოლეჯის ვებგვერდზე
<http://msc.edu.ge/>

ელფოსტა: collejimsc@gmail.com

მისამართი: მარნეული, რუსთაველის #13